

REFERAT SAA- Sanarfinermut Avatangiisinullu Ataatsimiititaq d. 19-01-2023

Mødedato Torsdag d. 19. januar 2023 kl. 18:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Kommuneqarfik Sermersuup illuutaanut 2023-mi aserfallatsaaliuinermit aningaasanik atuinissaq...	6
Upalungaarsimasunut ukiortaarsioqatigiinneq pillugu siulittaasup aalajangiineranik ilisimatitsissut..	10
Illorput 2000 aamma nammineq illuliassat allat - sanaqateqarluni illuliassat kiisalu kommunimi ilac	13
Inissiamit ulloq unnuarlu paaqqinnittarfinngorlugu atuuffiup allanngortinneqarnissaannut qinnuteq	19
Kommunimut pilersaarummut tapiliussatut siunnersuut 2B1-2 Industrivej, Nuuk.....	23
Pilersaarummut qinnuteqaatip Pinguaraq inissiat 60-t inaarutaasumik akuersissutigineqarnera (siorr	26
Lukket.....	30
Lukket.....	31
Lukket.....	32
Taasariaqartut allat.....	33
Imaqarniliap akuerineqarnera.....	34

Punkt .: Saqqaa

Ilaasortat:

Finn Karlsen (N), *siulittaasog*

Uju Petersen (IA)

Lone Rosengreen Pedersen (IA)

Naya Sophia Pedersen Lyberth (IA)

Justus Hansen (D)

Peter Davidsen (S)

Dines Mikaelson (S)

Beslutning

Ataatsimeeqataasut tamarmik najuupput.

Punkt .: Oqaluuserisassat akuersissutigineqarneri

Beslutning

Oqaluuserisassat akuersissutigineqarput, imatut allannguutitalerlugit: Imm. 4 ingerlatsivimmut utertinneqarpoq suliassamik saqqummiinermi paasissutissat sukumiinerusut pissarsiarineqarnissaat eqqarsaatigalugu. Tamatuma kingornatigut suliaq Sanarfinermut Avatangiisinullu Ataatsimiititami suliarineqassaaq.

Punkt .: Nalunaarutit

Beslutning

Sanarfinermut Avatangiisinullu Ingerlatsivimmit nalunaarutit:

Allaffeqarfiup 2022-mi ukiumut nalunaarusiaq suliaraa.

Punkt 1: Kommuneqarfik Sermersuup illuutaanut 2023-mi aserfallatsaaliuinermit aningaasanik atuinissaq

Beslutning

Ilisimatitsissut tusaatissatut tiguneqarpoq.

Bilag

Kommuneqarfik Sermersuup illuutaanut aserfallatsaaliuinermit pilersaarut

Kommuneqarfik Sermersuup illuutaanut 2023-mi aserfallatsaaliuinermut aningaasanik atuinissaq

Ilisimatitsissut

SagsID: EMN-2023-00063

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamat inassuteqaatigineqarpoq:

- ilisimatitsissut tusaatissatut tiguneqassasoq

Suliassamik saqqummiussineq

Sanarfinermut Avatangiisinullu Ingerlatsiviup ukioq missingersuusiorfimmut 2022-mut aserfallatsaaliuinissamat pilersaarut suliaraa (Ilanngussaq 1). 2023-mi ingerlatsiviup 2023-mut aningaasanik atuinissat nutaat saqqummiuppai. Ingerlatsivik ukiunut arlalinnut pilersaaruteqarpoq taannalu ukiut tamaasa nutarterneqartassaaq.

Aningaasaliissutit atorneqarnissaasa agguataarneri illunut teknikkikkut naliliineq tunngavigalugu pivoq. Ukioq manna allaffeqarfimmi suliassamik annertusisamik aallartitsisoqarpoq, ilaatigut illunut teknikkikkut naliliineq malillugu atuinissanut siunnersuummik suliaqarneq nanginneqarluni, aamma atuinissap inaarnera pisortaqatigiinnit aalajangiiffigineqarnissaa ingerlatsiviit susassaartut peqataatillugit pissaq, taamaalillutimmi kommunip illuutaasa atornissaannut pisariaqartitsinermilu tunngasut ilanngussuunneqassammata.

Aningaasanik atuinissami kommunimi ingerlatsiviit siunnersuutaat ilanngunniarlugit tusarniaavigineqarnikuupput. Ukiup siulianut sanilliullugu ukioq manna sillimmatissat amerlanerupput ukiullu ingerlanerani ingerlatsivinniit kissaatit suliarineqarnissaanut atorneqassanersut naliliisoqarumaarluni.

Ukiunut tulluuttunut peqataatitsinissap erseqqissarneqarnissaa allaffeqarfimmit nangittumik suliarineqassaaq, tassanilu sanaartornermi inatsimmi sanaartornermilu malittarisassani aalajangersakkat malinneqartussaallutik. Kommunip illuutai sanaartornermi malittarisassat assigiinngitsut tunngavigalugit sanaartugaapput aamma taamanikkut illut akuersissutigineqarneri naapertorlugit illut pioreersut nalinginnaasumik aserfallatsaalineqartuaannarsinnaapput. Illut allanngortiterniarneqarpata imaluunniit annertuumik allanngortiterniartoqartillugu sanaartornermi inatsit aamma Sanaartornermi malittarisassat atuuttut malinneqassapput, tamannalu maannakkut piumasagaataasut allat imaluunniit annertuallaarnera akisuallaarneralu peqqutaallutik tamatigut naammassiniarneqarsinnaaneq ajorpoq.

Ukiumi missingersuusiorfiusumi matumani sanaartornermut missingersuutini akuersissutigineqartuni sanaartornermut kontumi 50,5 mio. kr.-it akuersissutigineqarput A00-160105-001 Kommuneqarfik Sermersuup illutaanut aserfallatsaaliuinissamat. Tamanna kommunip illutaanut aserfallatsaaliuinissamat kvadratmeterimut ataatsimut 310 kr.-it missaanni 1. januaari 2023-miit naleqassaaq. 2022-mi 43 mio. kr.-it siunertamat immikkoortinneqarput.

Taamaattumik pilersaarusiordermi illut aserfallatsaalineqartussatut ilanngunneqanngitsut tasaapput aserfallatsaaliuinissamat suliassamik aningaasanik atuinissaq sanaartornermut kontumit matuminnga:

- Tamanut inissiat, taakku Iserit A/S-ip atuuffianiimmata

- Illut Siorarsiorfik - Nuuk City Development A/S-imit pigineqartut NCD-p Iserillu kattussuunneranni Kommuneqarfik Sermersuumut tunniunneqarnissaasa tungaannut
- Nuummi Katuaq (B-3000) piginnittuunerlu avinneqarnikuvoq ukuninnga pigineqarluni Kommuneqarfik Sermersooq aamma Namminersorlutik Oqartussat, taannalu ilaavoq pissutigalugu illu sanaartornermut missingersuutini sanaartornermut immikkut kontoqartinneqarami (A60-080204-003)
- Illut Kommuneqarfik Sermersuup attartugai, kiisalu illut Kommuneqarfik Sermersuup attartortittagaanut attartortullu, attartornermut isumaqatigiissut malillugu, aserfallatsaaliuinermik akisussaasuugaangat

Aningaasaliissutininnaanniit siumut atorineqartussaapput 15 mio. kr. pilertortumik aserfallatsaaliuinissamut (Ad.Hoc.- aserfallatsaaliuineq) ilaatigut pilersaarusiiriigaanngitsut iluarsartuunneqarnissaannut aqutissiuutissat. Tamatumunnga ilanngullugit assersuutigalugu illuutitut aserortisoqarsimatillugu iluarsaassinernut. Tamanna 2022-mi aningaasartuutitut allatorneqartut tunngavigigaanni 5 mio. kr.-inik qaffariaateqarpoq.

Aserfallatsaaliuinissamut pilersaarutigineqartumi 7,209 mio. kr.-it sillimmatissatut immikkoortinneqarput, ilaatigut aserfallatsaalisassaqaqtarami ilimaginngisamik ilassutitut sulinermik kinguneqartumik, soorlu illup sanaartorneqarnerani atulernerqarnerata kingorna. Aserfallatsaaliuinissaq aallartitsinnagu sanaartornermut kontumit A00-160105-001 sumiiffinni alakkaanerit pissapput, taamaammat aserfallatsaaliuinissamut pilersaarut iluarsineqaratarsinnaavoq (ilanngussaq 1). Aamma annertuumik pisoqarsinnaavoq, assersuutigalugu Tasiilami Piteqqap kingunerisaanik aningaasaliissutitut kinguneqartumik, tassanilu aningaasartuutaasussat tamaasa imaassinnaalluni kommunip sillimmasiisarfianit matussuserneqarsinnaanatik.

Allaffeqarfimmi - matumani Sanarfinermut Avatangiisinullu Ingerlatsivimmeersumik - aserfallatsaaliuinissami suliassat kinguartinneqassanersut aalajangertoqassaaq, suliassat ukiunut missingersuusiortiusunut nikisinneqassanersut, taamaallitutik aningaasaliissutit atornerqarneritut naleqassasusai illunut teknikkikkut naliliineq aallaavigalugu sapinngisamik piniassamat. Matumani piginnaatitaanermut pilersaarut atuuttoq tunngavigalugu, allaffeqarfimmi piginnaatitaanermut pilersaarummut naapertuuttumik ingerlatsisoqassalluni.

Ingerlatsivimmit aningaasatigut sulisoqarnikkullu naliliinerit

Maannakkut pilersaarutaasoq naapertorlugu iluarsartuussinissamut aserfallatsaaliuinissamullu atugassat allaffeqarfimmit ukioq mannamut pilersaarutaapput 50,5 mio. kr.-it.

Ataavartumik aserfallatsaaliuisarnek illut aserfallakkiartornissaannik pinaveersaartitsisarpoq, taamaanngippat kommunip naleqassuseq atorsinnaanerilu annaasaqaatigissavai, taamaattoqartillugulu atuisut siullertut eqqugaassallutik.

Iluarsartuussassatut kinguussaaqqasut annertussusaat pillugit immikkut ilisimasallit assigiinngitsut aperigaanni assigiinngitsunik akissuteqassapput, tamannalu illup pioreersup aqqissuutassatut kissaatigineqarneranut periusissaanullu tunngatillugu apeqqutaatillugu naatsorsuutigineqassaaq.

Maannakkut kommunip illuutai suliffeqarfiit assigisaalu allaffeqarfiillu ilaalu ilanngullugit 163.217 m²-iupput illut 339-t naatsorsorneqartut kingulliit naapertorlugit. Ataasiakkaarlugit qiviassagaanni qanoq inneri assigiinngitsuupput, tamaasali isigalugit pitsaanngillat. Aamma naak kommunip suliffeqarfii assigisaalu aamma allaffeqarfiutai ataatsikkut tamaasa taarserneqarsinnaanngikkaluartut, aserfallatsaaliuineqartuarsimasuuppata ullumikkut illut qanoq naleqassanersut naatsorsorneqarsinnaagularput. Nutaamik illuliornermi m²-imut 30.000 kr.-ninik

akeqartitsisoqassappat kommunip illuutai 5 mia. kr.-nik naleqassapput, illulianik nutaanik taarserneqassappata.

NCD-p illuutaanik akisussaaffeqalerneq aningaasaliissutinut artukkeeqataassaaq. Suliffeqarfiit sisamat aamma qatserisartoqarfik ukiumut aserfallatsaaliuinnermut naatsorsuutigineqarpoq 1,6 mio. kr.-eqassasoq atuarfillu ukiumut 10 mio. kr.-eqassasoq.

Kommunip illuutai tamaasa aserfallatsaalinissaannut aningaasat qanoq amerlatigisut atorneqartassanersut ingerlatsivimmiit maannakkut saqqummiuteraannarnik inaarutaasunik naatsorsuusiaqanngilaq. Ingerlatsivimmiilli oqaatigineqarsinnaavoq maannakkut aningaasaliissutaasut naammanngitsut, tamannalu illut qanoq issusai amerliartornerilu ingerlatsivimmit pisariaqartitsineq naapertorlugu uppersarsarneqarsinnaalluni. Maannakkumuugallartoq aserfallatsaaliuinissamut pisariaqavissut kisiisa akissaqartinneqarput missingersuutillu qaangerneqannginnissai eqqarsaatigalugit aserfallatsaaliuinissamut suliaasaarapassuit itigartiortorneqarlutik.

Qanorluunniit missingersuutitigut pisariaqartinneqartut ilanngunneqaraluarpata, ingerlatsivimmit naliliineq naapertorlugu kommunimi inoqarfinni ingerlatsiviup sulisui sanaartortullu ukiumut aningaasaliissutit 75 mio. kr.-inik nalillit isumagisinnaavaat. Aningaasaliissutit qaffanneqassagaluarpata politikikkut pingaarnersiuiineq apeqqutaatillugu ukiumut missingersuusiorfiusumut tullermut ilanngunneqarsinnaapput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersarsaatillit

- Sanaartorneq pillugu Inatsisartut inatsisaat nr. 13, 26. maj 2010-meersoq
- Kalaallit Nunaanni Illuliornermut Malittarisassat
- Piginnaatitaaffinnik agguataarinermut pilersaarut

Ilanngussat

1. Kommuneqarfik Sermersuup illuutaanut aserfallatsaaliuinnermut pilersaarut

Punkt 2: Upalungaarsimasunut ukiortaarsioqatigiinneq pillugu siulittaasup aalajangiineranik ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Suliassamik saqqummiussineq Ukiortaarsioqatigiinneq

Sanarfinermut Avatangiisinullu siulittaasup aalajangiinera atsiornertalik

Upalungaarsimanermut ataatsimiititaliarsuup siulittaasup aalajangiinera atsiornertalik



Upalungaarsimasunut ukiortaarsioqatigiinneq pillugu siulittaasup aalajangiineranik ilisimatitsissut

Ilisimatitsissut

SagsID.: EMN-2022-09647

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititami inassuteqaatigineqarpoq:

- siulittaasup aalajangerneranut ilisimatitsissut tusaatissatut tiguneqassasoq
- ilisimatitsissut Upalungaarsimanermut ataatsimiititaliarsuup aalajangiisinnaatitaalernissaanut ilisimatitsissut tusaatissatut tiguneqassasoq

Suliassamik saqqummiussineq

Sanarfinermut Avatangiisinullu Ingerlatsiviup inassuteqaateqarneratigut upalungaarsimasunut ukiortaarsioqatigiinneq Sanarfinermut Avatangiisinullu Ataatsimiititami siulittaasup decembarip arfernani akuersissutigaa, Aqutsinermut inatsimmi §27, imm. 2 naapertorlugu, siulittaasooq ataatsimiititaq sinnerlugu suliassamik kinguartinneqarsinnaanngitsunik, imaluunniit nalornissutaasinnaanngitsuni, aalajangiisinnaatitaavoq.

Ukiortaarsioqatigiinneq januaarimi arfininngornerit pingajuanni pisassaaq, taamaattumik sapinngisamik piffissaq sioqqullugu pilersaarusiorneqartassaaq.

Sanarfinermut Avatangiisinullu Ataatsimiititami siulittaasup aalajangiinera pillugu suliassamik saqqummiussineq ilanngussaq 1-imi takujuk, aalajangiinerlu atsiornertalik ilanngussaq 2-mi.

Upalungaarsimanermut ataatsimiititaliarsuaq aalajangiisinnaatitaassuseqanngilaq taamaattumillu suliaq Sanarfinermut Avatangiisinullu Ataatsimiititap siulittaasuanit inaarutaasumik aalajangiiffigineqarpoq, Upalungaarsimanermut ataatsimiititaliarsuup siulittaasuanit aalajangiiffigineqarnerata kingorna.

Allatseqarfik Upalungaarsimanermut ataatsimiititaliarsuup aalajangiisinnaassuseqalernissaanut inassuteqaammik suliaqarpoq. Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuineri iliuusissat pillugit Inatsisartut inatsisaat nr. 14, 26. maj 2010-meersumi 5 malillugu kommune upalungaarsimanissamut ataatsimiititaliaqassaaq, kisianni inatsimmi allaaserineqanngilaq ataatsimiititaliamut suut suliassaanersut, aalajangiisinnaatitaaneq imaluunniit suut siunertaanersut. Allatseqarfiup naatsorsuutigaa 2023-p ingerlanerani inassuteqaammik saqqummiussinissani.

Ingerlatsivimmit aningaasatigut sulisoqarnikkullu naliliinerit

Ukiortaarsioqatigiinneq naatsorsuutigineqarpoq ukiumut 50.000 koruuninik akeqassasoq tamannalu siunertami 110101 Upalungaarsimanermi missingersuutaareersup iluani ingerlanneqarsinnaavoq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppernarsaatillit

- Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq

Ilanngussat

1. Suliassamik saqqummiussineq Ukiortaarsioqatigiinneq
2. Sanarfinermut Avatangiisinullu siulittaasup aalajangiinera atsiornertalik
3. Upalungaarsimanermut ataatsimiititaliarsuup siulittaasup aalajangiinera atsiornertalik

Punkt 3: Illorput 2000 aamma nammineq illuliassat allat - sanaqateqarluni illuliassat kiisalu kommunimi ilaqtariit illui sanaartugassat

Beslutning

Ilisimatitsissut tusaatissatut tiguneqarpoq.

Illorput 2000 aamma nammineq illuliassat allat - sanaqateqarluni illuliassat kiisalu kommunimi ilaqutariit illui sanaartugassat

Ilisimatitsissut

SagsID.: EMN-2022-09520

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Ingerlatsivik ilaannikkut nammineerluni sanaqateqarluni illuliornermut imaluunniit kommunimi inissianut attartugassanut Illorput pillugit apeqquteqarfineqartarpoq, ingammik kommunimi inoqarfinni nunaqarfinnilu inissialiornermut tunngatillugu. Illunik assigiinngitsunik nammineq illuliornermik sanaqateqarlunilu illuliornermik aqqissuussineq 1953-imeersuuvoq, siullermik naalagaaffimmit aningaasalersorneqarluni kingornatigullu Namminersornerullutik Oqartussanit/Namminersorlutik Oqartussanit.

Matumani ilisimatitsissummi ingerlatsiviup siunertaraa Illorput oqaluttuarisaanermi nalunaarutinut massakkullu inatsisinut atatillugu aningaasatigut pissutsit pillugit naatsumik nassuiaanissaq, kiisalu ullumikkut qanoq kommunip aningaasaatai illuliornermut pitsaanerpaamik atorneqarsinnaanersut.

Suliassat eqqarsaatigalugit Namminersorlutik Oqartussat konto 87.72.22 "Nunaqarfinni isorliunerusunilu inissialiornermut pilersaarut" ukiumoortumik aningaasartalik isumalluutigineqarpoq, 2016-imi Kommuneqarfik Sermersuumut 5,5 mio. koruuniullutik. Tunngaviatigut aningaasat kommuninut agguataarneqartarput. Kommunip aningaasaliissutiniit nammineq salliutitsineq isumagisinnaavaa, uunga:

1. Kommunimi sanaartugassanik pisineq
2. Illut sunulluunniit atorneqarsinnaasut – illut assigiinngitsunik ilusillit, uanilu suliamik saqqummiussami annerusumik nassuiarneqanngitsut
3. Illut nammineq pigineqartut sanaqateqarluni illuliat pisortat taarsigassarsiaritaannit ernialersugaanatillu taarsersugassanngitsunik aningaasalersorneqartut inatsisartut peqqussutaanni kapitali 5 naapertorlugu

Ullumikkut Illorput 2000, 2100 illut illullu allatut ilusillit illunut sanaqataaffiusunut taarsigassarsiat pillugit Inatsisartut inatsisaanni nr. 28, 3. december 2018-imeersaq naapertorlugu malittarisassaqartinneqarput. Illut aalajangersimasumik sannallit akuerineqarnissaat pillugu Naalakkersuisunut qinnuteqartoqassaaq, ukiukkaartumik illut aalajangersimasumik sannalinnik akuersisussanut.

Illunut sanaqataaffiusunut taarsigassarsiat pillugit Inatsisartut inatsisaanni nr. 28, 3. december 2018-imeersumi allannguutit kingullit naapertorlugit aqqissuussinermut aningaasalersuineq ilanngullugu ullormit 1. januaari 2017-imit akisussaaffik kommuniniilerpoq. Ulloq 1. januaari 2017-imi kommuninut nuussisoqarnerata kingorna allaffisornermut, sullissinermut, mandetiminut tapiissutinut, pilersarusiornermut, sanaartugassanik pisinermit assartormullu aningaasartuutit taamaalillutik kommunip karsianit isumagineqalerput.

Kommunip illuutai sanaartugassat allanillu inissianik sanaartoriaatsit pillugit

Kommunip inissianik sanaartorneranut tunngasut ullumikkut atuupput:

- Kommuni allat assigalugit kommunimi Illorput illunik ukiut qulikkaani kingullerni marlunni sanaartortoqarpoq, sanaartorneq pillugu Inatsisartut Peqqussutaat inatsimmik allammik taarserneqannginneratuulli sukkatiginngitsumik
- Tasiilami Paamiunilu kommunip illutaanik sanaartornissamut katillugit 45 mio. koruunit missingersuusiorneqarput, taakkua piffissami 2023 2025-mi sanaartorneqassapput. Iserit A/S aqutugalugu illunik uiguleriiaannik sanaartornissaq pillugu politikikkut aalajangiisoqareerpoq, taamaattumik sanaartugassatut pilersaarummi uani Illorput aqutugalugu illuliassat ilanngunneqanngillat
- 2023-mut missingersuummi anguniarneqarpoq Kommunalbestyrelse ukiumut ikinnerpaamik 100-nik assigiinngitsunik angissusilinnut piginneqatigiinnikkut inissialianut aningaasaleeqataanissap qulakkeerneqarnissaa ilutigalugulu Iserit A/S inissianik nalinginnaasunik attartugassanik atuutilersitsisarnissaanik piumasagaat attatiinneqassaaq. Ilaqutariinnut ataasiakkaanut illut uani pineqanngillat

Nunatsinni Illorput illut amerlanerit Namminersorlutik Oqartussat Nalunaarutaat 1994-imeersoq malillugit sanaartorneqarput, tassani kommunit Namminersorlutik Oqartussanit aningaasanik tunineqartarput. Kommunip inissiaataanik attartortittakkanik kommune sanaartorsinnaasimavoq, sanaartornermut aningaasartuutitut akileeqaatanikkut, tassani kommuni Naalakkersuisunit tapiissutinik illup angissusaa apeqqutaalluni m²-mut 9.700-8.00 koruuninik tapiiffigitittarpoq, Inatsisartut Peqqussutaanni pisoqqami kapital 2 innersuussutigalugu. Kommunip inissiaataanut attartortittakkanut tunngatillugu Illorput illut orniginartinneqarput, kommunit illut sanaartortinnerani aningaasartuutaasa katinnerani annerpaartai Namminersorlutik Oqartussanit aningaasaliissutaannit matussuserneqartarmata, tamanna illunut allatut isikkulinnut akuerisaasunut atuutinngilaq. Tamatuma taamaalilluni Illorput aqutugalugu illuliat sanaartorneranni aningaasartuutit tamakkiisut amerlassusaannik paatsiveerunnartumik isikkoqartitsisinnaavoq.

Inatsimmik allannguineri kingullermi kommune Namminersorlutik Oqartussat aningaasaliissutaanit kommunimi sanaartugassanik pisinnaajunnaarpoq, taamaasilluni illut kommuni sanaartortikkusutai tamarmik sanaartorneqarnerata akivii tunngavigalugit sulliarneqassapput. Inissianik sanaartornermi peqqutinik assigiinngitsunik kvadratmeterimut aki apeqqutaasarpoq, pingaarnertit tassaallutik:

- Sanaartorfissagissaanissamut akiliutigigititanut aningaasartuutit, sanaartorfiup sumiinnera apeqqutaalluni assigiinngitsorujussuusinnaasarpoq
- Entreprenørit aallartisarnermi akigititaanut aningaasartuutit, sanaartorfimmiit sanaartorfimmut assigiinngissinnaapput pingaarnarpaamilli najugaqarfiup sumiinnera allallu atugassarititaasut peqqutaanerpaallutik
- Najukkami unammillerteqatigiinneq sanaartornermilu sulisussaqaarnerit
- Il. il.

Ataatsimut isigalugu sanatitsisumut akikinnerussaaq annertuumik ingerlatsinerimut iluaqutitaqarnera. Sanaartorfimmi ataatsimi inissiat amerlasuut, ass. illut sanileriaat sanaartukkat imaluunniit inissianik amerlasuunik sanaartukkani allani inissianut allanut m²-inullu aningaasartuutit agguataarneqartarput, ilaqutariinnut ataatsinut illunut sanilliullugu, soorlu Illorput-illunut. Taamaattumik ataatsimut isigalugu akikinnerussaaq, kommune illunik sanileriiaannik imaluunniit inissianik amerlasuunik sanaartorpat.



Sanaqateqarluni illuliornermut aaqqissuussinermut tunngasoq Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersoq

Kommunalbestyrelse aalajangerpoq 2023-mut missingersuutit siullermeerneranni sanaartornermut aningaasaliissutit inissianut taarsigassarsiangortinneqassasut 2 mio. koruuninut taarsigassarsititsilluni aningaasaliissutinngorlugit. Innuttaasut, sanaqateqarluni illuliornissamut kommunimit taperneqarnissamut qinnuteqarniartut, aningaasaliissutinit taakkuninnga taarsigassarsisinnaapput. Qinnuteqaat uunga nassiunneqassaaq kommuneqarfik@sermersooq.gl Aningaasaliissutillu sanaqateqarluni illuliornissamut taarsigassarsititsinissamut matussusiinissamut naammanngillat.

Kommunalbestyrelse sanaqateqarluni illuliornissamut 95%-p tungaanut taarsigassarsititsinnaavoq. Qinnuteqartup ukiumoortumik inoqutigiinni isertitai akileraaruserneqartussat agguaqatigiissinneri 300.000 koruuninut 5.882 koruuninik qaffasinneruneri tamaasa, taarsigassarsiat Kommunalbestyrelsip tunniussimasai 1 procentpointinik appartinneqartassapput. Kommunalbestyrelse inatsit taanna malillugu taarsigassarsititsinnaangilaq, qinnuteqartup agguaqatigiisillugu ukiumut aningaasarsiaasa 600.000 koruuninut qaangeqqappagu imaluunniit 25.000 koruuninik pisortanut akilerneqanngitsunik akiitsoqarpat.

Ingerlatsivimmiit naatsorsuutigisariaqarpoq, qinnuteqartoqarsinnaasoq, piunasaqaatinut naammassinnaasunik taakkunanilu amerlanngitsut kisimik namminneq aningaasaliissuteqarsinnaallutik. Tamanna inatsimmi 2018-imi nalinginnaasumik oqaaseqaateqarnermi uppersarsarneqarpoq. Ingerlatsivik naliliivoq, sanaqateqarluni illuliornermi sanaartugassartai 1,2 mio.-t missaannik akeqassasut. Taassuma saniatigut innaallagialaq, imeq kuuffilerinerlu, nunagissaaneq aammalu suliarinnittussap aningaasartuutai. Sanaartornermi ilusaa malillugu akigititaaq 3,7-4 mio koruuniunissaa nalilerneqarpoq, minnerpaamillu nammineq aningaasaliissut 185.000 koruuninut missaaniinnissaa naatsorsuutigineqarluni.

Sanaqateqarluni illuliornissamut taarsigassarsinissamut qinnuteqaatit allakkatigut Kommunalbestyrelsimut nassiunneqassapput. Qinnuteqaat tullinnguuttutigit ilalerneqassaaq:

- sanaqateqarluni illuliassap kissaatigineqartup nassuiarnera
- nunaminertamik qinnuteqaatip takussutissartaa
- nammineq aningaasalersuinnaanerup uppersarsarneqarnera
- qinnuteqartup piffissami aalajangersimasumi pilersaarutaasumillu aserfallatsaaliinissamut aningaasartuutininik aningaasaliisnnaaneranut uppersarsaat
- qinnuteqartup inuup normua, najugaqarnermullu uppersarsaataa
- ikuallattoornermut illutaatalu ajoquserneranut sillimmatip uppersarsaataa

Kommunip illunik sanaqataaffiusunik pisiortorfianut taarsigassarsisumuunngitsaq taarsigassarsiat akiliutigissavai. Tamanna kommunimut aningaasatigut iluanaarfiunngitsutut ingerlatsivimmiit nalilerneqarpoq tassami illut sanaqataaffiusut suliarineqannginneratigut taarsigassarsiat tunniunneqartut utertinnissaat ajornassammata. Taamatut aaqqiissuteqarneq taamaattunik illunik pisiortorfiusunut annerusumik pitsaaquteqassaaq innuttaasunut illuliornermut namminnermut kommunimut nalorninarloqarnerulluni.

Naleqassutsimik asuliinnartoqaratarsinnaaneq

INI A/S Kalaallit Nunaanni Namminersorlutik Oqartussat sinnerlugit illuliornermut ingerlatsisuuvoq Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersumut oqaaseqaatinut tunngatillugu ilisimatitsivoq illunik piginnittut illutik qimattaraat tamannalu ajornartorsiutaasoq. Illunik sanilerisaniit allaniilluunniit piserusuttunik INI

saaffigineqartarpoq illut inigineqannginnerat pissutigalugu piginnittup nalunaaruteqaqqaarani illu qimattarmagu. Nuna tamakkerlugu illut sanaqataalluni naammassisat piginnittunit qimanneqarsimasut 160-it 2016-imi INI-mit nalunaarsorneqarsimapput. Assersuutigalugu illunut sanaqataaffiusunut aaqqiissutaasimasoq malillugu 1,2 mio. kr.-inik sanaartornermut atortussanik taarsigassarsititsisoqarpat, ukialuillu qaangiunnerini affai akilersorneqareerlutik (illumut ataatsimut 0,6 mio. kr.) taava illuliornermut atorineqanngitsunut 100 mio. kr.-ingajaat taarsigassarsiasatut tunniunneqarput. Sermersuumi ingerlatsivimmit naliliineq naapertorlugu illut sanaqataaffiusut akii nammineq illuliornermit qaffasinnerungaatsiarmata 2016-imiilli asuliinnarnissaat qaffariaateqarujussuarsimavoq.

1990-imiit 2003-p tungaanut nalunaarsuineq naapertorlugu 2018-imi inatsimmit oqaaseqaatit ilanngullugit piffissami pineqartumi nammineq illuliat tallimaagaangata ataaseq naammassineq ajorpoq. Taakkulu saniatigut illut piginnittumit qimanneqartut INI-mit ilisimaarineqartut taaneqassapput. Naatsorsuutigisariaqarpoq illut piginnittumit qimanneqartut eqqarsaatigalugit suli amerlanerujussuussasut ilisimaneqanngitsut. Ingerlatsivimmiit naatsorsuutigisariaqarpoq sanaqataalluni illuliat ikinnerpaamik 20%-ii naammassineqarsimanngikkunik taarsigassarsiffiusup nalaani qimanneqarsimasassasut.

Taarsigassarsinerit taarsigassarsinertut ernialersugaanngitsutut akilersugassaannngitsutullu aaqqiissut malillugu kommunalbestyrelsimit taarsigassarsiarineqartut. Taarsigassarsiat sivissussasut ukiut 20-t Taarsigassarsiat ukiut tamaasa pissarsiasartaasa annertussasut naligiimmik ingerlanneqarneri siumut allattugaapput. Taarsigassarsiat siumut allattugaasut imaanngilaq illumik piginnittup inatsimmi piumasaqaataasut malimmagit akilersugassaassanngitsut, taamaassappat illu kommunimit akeqanngitsumik tunniunneqassaaq.

Taarsigassarsineri akilersuinerup nalaani najugaqartussaataaneq pillugu piumasaqaatini piumasarineqartoq innuttaasumut ajornartorsiutaasinnaavoq. Tamatuma qularnanngitsumik kingunerissavaa, innuttaasooq illumut ukiut 20-t sinnerlugit pituttorsimasunngornera imaluunniit innuttaasup najugaqartussaataaneq avaqqullugu akilersorsinnaanngisaminik taarsigassarsiasaqalenera.

Matumani eqqumaffigeqquneqassaaq, illut niuernermit nalingi amerlasuutigut sanaartorneqarneranit 10%-it ataallugit inissisimassammata, taamaalillutik kommunimut innuttaasumulluunniit illut taarsigassarsiasannut qulakkeerutaasinnaanatik. Pisortat sanaartortitaat attartortagaq allanut attartortinneqarsinnaajuaannassaaq taamaalillunilu ataavartumik iluaqutaasumik ingerlaavarnissaq qulakkeerneqassalluni.

Illut ataasiakkaat sanaartussagaanni ass. uiguleriiaat imaluunniit inissiat pinnagit aningaasartuutaanerusussaapput, suliammi aallartittarnerinut sanaartorfissagissaanernullu aningaasartuutit inissianut arlalinnut agguataarneqarsinnaanngillat. Taamaattumik uiguleriiaat inissialluunniit attartortittagassat Iserit aqputigalugu sanaartortitsineri kommunip atugassaanik pitsaanerusumik atisoqarsinnaavoq. Pisortat attartortittagai innuttaasunut eqaannerusumik inissisimallutillu inissiamut ataatsimut akigissaarnerupput, taamaammatt innuttaasumut kommunimullu soqutiginartuulluni.

Naliliineq

Ingerlatsivimmiit siuliani taaneqartut tunngavigalugit naliliineq imaappoq, sanaqateqarluni illulianut aaqqiissut innuttaasumut kommunimullu aningaasatigut pitsaanngitsumik nalorninartumiisitsivoq, peqatigitillugulu ingerlatsivimmit nalilerneqarluni aaqqiissummi piumasaqaatinik naammassinnissinnaasut innuttaasut amerlanngitsut. Ingerlatsivimmiit naliliineq naapertorlugu sanaqateqarluni illuliornermut aqqiissuussaq kommunimit anguniarneqartariaqanngitsooq,



matumani kommunip inissialiortiternerani imaluunniit innuttaasunut taarsigassarsititsilluni ikiuinermi.

Ingerlatsivimmit aningaasatigut sulisoqarnikkullu naliliinerit

Sanaqateqarluni illuliortiternerq aallutissallugu kommunimut aningaasatigut sulisutigulluunniit pitsaaqutitaqanngilaq.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit allanik oqaaseqaatissaqanngilaq

Inatsisitigut tunngavissaq allakkallu tunngaviusumik uppersaatillit

- Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersoq
- Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaat nr. 40, 28. november 2019-imeersoq

Ilanngussat

Soqanngilaq.

Punkt 4: Inissiamit ulloq unnuarlu paaqqinnittarfinngorlugu atuuffiup allangortinneqarnissaannut qinnuteqaat, Kangillinnguit 1, Nuussuaq

Beslutning

Immikkoortoq 4 oqaluuserisassanit peerneqarpoq.

Bilag

Qinnuteqaat

Eqqaamiunik tusarniaanerit

Eqqaamiunik tusarniaanermi akissutit

Illoqarfiup assinga ulloq unnuarlu najugaqatigiiffiit sumiiffiik nalunaaqutsersugaq

Inissiamit ulloq unnuarlu paaqqinnittarfinngorlugu atuuffiup allanngortinneqarnissaanut qinnuteqaat, Kangillinguit 1, Nuussuaq

Aalajangiiffigisassaq

SagsID.: BOG-2021-06236-003

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamat inassuteqaatigineqarpoq:

- nunaminertamik atugassiinermi atuuffiup allanngortinneqarnissaa akuersissutigineqassasoq

Suliassamik saqqummiussineq

Sanarfinermut Avatangiisinullu Ingerlatsivik ilaqutariit ataatsit illuat Kangillinguit 1 Nuussuarmitut nunaminertamik atugassiissutip allanngortinnissaanut ulloq unnuarlu angerlarsimaffittut atorneqarnissaanik qinnuteqaammik tigusaqarpoq. Illu kommunimut pilersaarummut tapiliussaq 3A3-8-mut ilaavoq - taannalu immikkoortup ilaanut 3A3-mut Paarnani inissiaqarfimmut ilaavoq. Immikkoortup atuuffissaa inissiaqarfissanngorlugu aalajangersaaffigineqassaaq siammasissunik pukkitsunik inissialiorfigalugu ilaqutariit ataatsit illuinik imaluunniit illunik affarleriinnik, inissianik eqimasunik pukkitsunik soorlu uiguleriaanik assigisaannilluunniit.

Illu inissiaqarfimmi inissisimavoq, taamaalillunilu atorneqarnerata allanngortinnissaa immikkut ittumik akuersissutigisariaqarluni. Suliamik suliarinninnermut atatillugu suliamik saqqummiussinissaq sioqqullugu ingerlatsivik imaattunik suliaqarsimavoq:

- Ingerlatsiviup inissisimaffia misissorsimavaa, tamaanilu pissutsit assingusut misissorsimallugit
- Ingerlatsiviup qinnuteqaatip Kangillinguani eqqaamiorisanut tusarniaassutigaa

Qinnuteqaat

Qinnuteqaammi atuarneqarsinnaavoq, ulloq unnuarlu paaqqinniffik nukappiaqqanut arfineq-pingasunut, 12-iniit 14-inut ukiulinnit, najugarineqassasoq. 10-12-inik sulisoqassaaq, ullukut 2-4-t sulisassapput paarlakaallutik, unnuakkullu marluk. Najugaqartut tamarmik meeraapput nalinginnaasumik atuartut, taakkulu meeqqatut allatut taamatut ukiulittut illoqarfimmi sunngiffimmi sammisassaqartitsiniutinut assigiinngitsunut ilaasarput.

Suliamut tunngasumik naliliineq

Ingerlatsivimmit Nuummi ulloq unnuarlu paaqqinnittarfiit nalunaarsukkat tamaasa allattorsimasuutit aallaavigalugit, paasineqarpoq kommunimut pilersaarummut pilersaaruserfimmi tassani ulloq unnuarlu paaqqinnittarfimmut nunaminertamik atugassiisoqarsimanngitsoq. Taamaattorli eqqaamiunik tusarniaanermi paasitinneqarpugut qanittuani kommune inunnet tarnikkut unaminartorsiuteqartunut najugaqatigiiffiuteqartoq.

Pilersaaruserneq eqqarsaatigalugu Ingerlatsiviup nalilerpaa, sumiiffimmi allamik ulloq unnuarlu paaqqinnittarfeqarsinnaasoq, tamaani inissisimasunut sunniuteqarnerluutaanngitsumik imaluunniit kommunimut pilersaarummut tapiliussami atuinissamat aalajangersakkat malillugit sumiiffiup inissiaqarfiuneranik allannguutaanngikkaluartumik.

Naliliinermi immikkuualuttumi inissiat ataasiakkaat amerlassusaat ulloq unnuarlu paaqqinnittarfiit amerlassusaannut sanilliunneqarput, angallannermut atugassarititaasut nalilerneqarput kiisalu immikkoortoq ataatsimut isigalugu nalilerneqarpoq.

Immikkoortumi inissiat 130-t missaanniipput, paasissutissallu pigisavut tunngavigalugit maanna ataatsimik ulloq unnuarlu paaqqinnittarfeqarpoq. Qinnutigineqartumut nunaminertamik atugassiineq nalunaarutigineqassappat, ulloq unnuarlu paaqqinnittarfiit katillugit marluussapput.

Angallannermut tunngasut eqqarsaatigalugit, sumiiffimmi annertunerusumik artorsiisoqarnaviangitsoq kommuniq nalilerpaa. Tamanna ulloq unnuarlu angerlarsimaffimmi sulisut qassiunissaanik, qanorlu innikkut suliffigineqartarnissaanut tunngaveqarpoq. Taava aamma biilit uninngasarfiisa ilaneqarnissaat piumasarineqassanngilaq.

Suliaq sanaartornermut inatsit naapertorlugu sulililerneqaranilu suliarineqanngilaq.

Egqaamiorisanik tusarniaaneq

Pilersaarusiornermut inatsit naapertorlugu kommune immikkut ittumik akuersissuteqarsinnaavoq, kommunimut pilersaarummut tapiliussami tunngavinnut akornutaanngippata. Taamaattorli eqqaamiorisanut tusarniaasoqassaaq, eqqaamiorisanut suliamut attuumassuteqartutut kommunip isumaqarfisinaanut, taamaalillunilu suliamut tunngatillugu sukumiisumik, pingaarutilimmik, toqqaannartumik ataasiakkaatullu soqutigisalimmut.

Eqqaamiorisamut tusarniaaneq 22.11.2022-miit – 06.12.2022-p tungaanut pivoq, qinnuteqaatigineqartumullu arlalinnik akerliliissutinik tigusaqartoqarpoq.

Maannakkut ulloq unnuarlu paaqqinnittarfimmut eqqaamiorisanit tusarniaanermut akissutini allassimasoqarpoq immikkoortumi eqqissiviilliorneq misigineqartartoq, tassa politit akulikitsumik orniguttarput. Tamanna pillugu akerliliissuteqartut immikkoortumi ulloq unnuarlu paaqqinnittarfiit ilaqqinneqarnissaat kissaatiginngilaat.

Matumani qinnuteqaammi aalajangersimasumi meeqqanut 12-14-inik ukiulinnut najugaqatigiiffik qinnuteqaatigineqarpoq. Meeqqat immikkut pisariaqartitsisuunersut ilisimatitsissutigineqanngilaq, taamaattumillu qinnuteqartumit maanna ulloq unnuarlu paaqqinniffimmi pioreersumisut ajornartorsiuteqartoqarnissaa naatsorsuutigisariaqarparput.

Ingerlatsivimmit aningaasatigut sulisoqarnikkullu naliliinerit
Soqanngilaq.

Suliffeqarfimmut Kiffartuussivimmit aningaasatigut nalililineq
Attuumassuteqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Kommunimut pilersaarusiornermut tapiliussaq 3A3-8, Ammassat, Nuuk immikkoortup ilagivaa 3A3 Najugaqarfiit ilaanni Paarnani
- Kommunimut pilersaarut 2032

Ilanngussat

1. Qinnuteqaat
2. Eqqaamiunik tusarniaaneriit
3. Eqqaamiunik tusarniaanermi akissutit
4. Illoqarfiup assinga ulloq unnuarlu najugaqatigiiffiit sumiiffiiniq nalunaaqutsersugaq

Punkt 5: Kommunimut pilersaarummut tapiliussatut siunnersuut 2B1-2 Industrivej, Nuuk

Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliussatut siunnersuut 2B1-2 Industrivej, Nuuk

Kommunimut pilersaarummut tapiliussatut siunnersuut 2B1-2 Industrivej, Nuuk

Aalajangiiffigisassaq

SagsID.: EMN-2022-08751

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussatut siunnersuut 2B1-2 Industrivej, Nuuk akuersissutigineqassasoq
- suliap tamanut tusarniaassutigineqarnissaa siunertaralugu Aningaasaqarnermut Inuussutissarsionermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit matumuuna kommunimut pilersaarummut tapiliussatut siunnersuut 2B1-2 Iggiaa, Nuuk, matumuuna saqqummiunneqarpoq.

Immikkoortup ilaa 2B1 7,6 ha. miss. kangerliumanermiippoq, nunniugaq kimmud quassugaq, (2C2 Issortarfik), avannamut sanaartorfingitsaq aamma kangimut (2D3 Nuussuup Mangua) kiisalu illoqarfiup ilaanut Nuussuaq killigalugit. Immikkoortup ilaa atuuffinnik assigiinngitsunik peqarpoq, ilaatigut inuussutissarsiuqartunut sullissisuullutillu innuttaasunik aamma sullitaqartunik. Immikkoortoq inuussutissarsiuqartunut siunertanut tassa peqqumaasiveqarfittut, sannaveqarfittut, biileerniarfittut, angallassinermut aammalu siammarterinermut, suliffeqarfinnut ataasiakkaanut, allaffeqarfinnut aamma aalajangersimasunik nioqquteqarnermut atorineqartussatut aalajangersagaavoq.

Kommunimut pilersaarummut tapiliussaq una immikkoortup ilaanut pilersaarummik nutarterineruvoq, inuussutissarsiuqarfittullu atuuffinik attassinissamut kiisalu piffissamut naleqquttumik ineriartortitsinissap qulakkeerneqarnissaa siunertaavoq. Kommunimut pilersaarut 2032 naapertorlugu inuussutissarsiuqarfinnik pisariaqartitsineq matussuserneqassaaq qorsooqqissut ajornerulersinnagit. Tamatuma imaraa attaviit pioreersut tikinneqarsinnaaneri ersarissuunerilu atuutiinnassasut.

Pilersaarummi siunertat tunngaviillu:

- Nunaminertat arlallit akornanni sanaartorfissat ataatsimoortinneqarnissaat periarfissiissutigineqassasut
- Sanaartorfissanik atugassiinissaq, sisamanik quleriilinnik sanaartornissamut periarfissaqarfiusunik
- Angallannikkut isumannaatsuunissap qulakkeernissaa aamma pisuinnaat assigisaallu immikkoortukkoorsinnaanerisa pitsaanerulernissaa, tassungalu ilanngullugu Nuussuup Manguanu aqqusineeqqat pitsaanerulersinneqassapput
- Nakkutilliisunut illut immikkoortumi pilersinneqarnissaanut periarfissaq atorunnaarsinneqassasoq

Kommunimut pilersaarummut tapiliussap nutarternerani immikkoortoq eqeersimaartumik ingerlanneqarnerulissaaq illoqarfimmilu pisariaqartitsineq tunngavigalugu ineriartortitsisoqarnissaa qulakkeerneqarluni.

Kommunimut pilersaarummut tapiliussassatut siunnersuutip matuma akuerineqarneratigut siunnersuut tamanut sapaatip-akunnerini arfinilinni tusarniaassutigineqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Kommunimut pilersaarummut tapiliussatut siunnersuut 2B1-2 Industrivej, Nuuk

Punkt 6: Pilersaarummut qinnuteqaatip Pinguarraq inissiat 60-t inaarutaasumik akuersissutigineqarnera (siornatigut inissiat 48-t)

Beslutning

Inassuteqaat akuersissutigineqarpoq, ima allannguutitalerlugu: Pilersaarusiaq 48-nik inissiertalik akuerineqarpoq. Etagemik ilallugu allannguutaa eqqarsaatigalugu taanna tusarniaassutigineqarsinnaavoq kommunimullu pilersaarummut tapiliussap suliarineqarneranut atatillugu ilanngunneqarluni.

Bilag

Tusarniaanermut akissutinik suliaqarneq

Tusarniaanermi akissutit tiguneqartut

Pilersaarummut qinnuteqaat Pinguarraq, inissiat 60-t

Pilersaarummik piginnittup allagartai

Aningaasaqarneq pillugu nassuiaat

Naliliinissamut immersuiffissaq

Pilersaarutitut qinnuteqaatinik ingerlatsineq

Pilersaarutitut qinnuteqaatinik misissuivik

Inatsisartut inatsisaat nr. 34, 9. december 2015-imeersoq

Pilersaarummut qinnuteqaatip Pinguaraq inissiat 60-t inaarutaasumik akuersissutigineqarnera (siornatigut inissiat 48-t)

Aalajangiiffigisassaq

SagsID: EMN-2022-02624

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- pilersaarummut qinnuteqaat Pinguaraq inissiat 60-t akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup matumuuna pilersaarusiamik piginnittoq Inissat ApS sinnerlugu pilersaarutit qinnuteqaataa Pinguaraq, inissiat 48-t, saqqummiuppaa.

Aallaqqaasiullugu ingerlatsivimmit oqaatigineqassaaq pilersaarut nunaminertami immikkuualuttumik pilersaarusiornanngitsumi inissisimammat.

Pilersaarummut qinnuteqaat tamanut tusarniaassutigisassanngorlugu sapaatit-akunnerini arfineq-pingasuni piffissami 7. september - 2. november 2022-p tungaanut saqqummiunneqarpoq. Tusarniaanerpup ingerlanerani innuttaasunik paasisutissiineq Katuami ulloq 18. oktobari nal. 16.30 pivoq, innuttaasut 25-t takkuppup. Piffissami tusarniaaffiusumi tusarniaanermut akissutit marluk tiguneqarput, taannalu oqaaseqatigiinnik tunngaviumilluunniit allannguuteqartitsissanngilaq.

Pilersaarutit siunnersuut piffissami tusarniaassutigineqareerluni pilersaarummik piginnittumit allanngortinneqarpoq imaattunik naqqiissuteqarfigineqarluni:

- Inissialiat maanna tamarmik arfineq-marlunnik qulereeqarput, qaliaat atorineqarsinnaallutik, pilersaarummi arfinilinnik qulereeqaraluartut
- Pilersaarummi inissiat katillugit 60-iuppup 48-natik. (Ilisimatitsissutigineqassaaq pilersaarummik qinnuteqartup aqqa suliamik saqqummiussissutip qulequtaani iluarsineqanngimmat)
- Blokkini immikkut maannakkut marlunnik initallit ataaseq, inissiat 16-it pingasunik initallit, taavalu inissiat 13-it sisamanik initallit, siullermik inissiaq ataaseq marlunnik initalik, inissiat 12-it pingasunik initallit, taavalu inissiat aqqanillit sisamanik initallit
- Aniinganerit marluk ilanngunneqarput qaliaat tamarmik illugiimmik sivingasuullutik, siornatigut aniinganeqarnikuunatik
- Qaliaanni igalaat pilersaarummut siullermut naleqqiullugit amerlanerulerput

Ingerlatsiviup nalilerpaa, allannguutit sumiiffimmut annertunerusumik

allannguuteqartitsissanngitsut, taamaattumillu pilersaarutip akuersissutigineqarnissaa innersuussutigineqarpoq.

Pilersaarummut qinnuteqaammi, Pinguaraq, inissiat 60-it, inissiat blokkit marluk, immikkut arfineq-marlunnik quleriillit qaliaat atorineqartussat. Blokkit immikkut ataatsimik marlunnik initaqarput, 16-it pingasunik initallit aamma 13-it sisamanik initallit. Blokkit immikkut katillugit 30-nik assigiinngitsunik inissiaqarput. Illup silataasa iigai qorsunnik marlunnik assigiinngitsunik qalipaateqarput.

Immikkuuluttoq 4D11-mi inissisimappup, taannalu ullumikkut Ukkusissat naqqani sanaartorfioqqusaanngitsut aalajangersagaavoq.

Illoqarfiup pingaarnertut pilersaarusiorneqarnera

Pilersaarummut qinnuteqaat Pinguaq, inissiat 60-t, Qinnngutsinni inissiaqarfik 4A6-ip nanginneraniippoq. Taamaallilluni pilersaarummi ineqarfinnik eqiterisoqassaaq, tamannalu 2022-mi suleqatigiinnissamut isumaqatigiisummut naapertuuppoq. Angallattut apuuffissaat aqqusineq 4A6-imi aqqusinermut atassuserneqassaaq, blokkinilu najugaqartunut biilit unittarfissaat pilersinneqassapput.

Illuliortaatsimut taaguutit pingaarnerit

Sumiiffimmi nunap ilusaa annertuallaanngitsumik illut ilusaannut ilusilersueqataassaaq. Illuatungaagullu pilersaarut 4A6-imi blokkinut sanianiittunut marlunnut maanna sanaartorneqartunut ataqatigiilluarput, taakkununga assingungajakkamik. Blokkit taakku sisamat 4A6-imi sanaartukkat sinnerinut illuatungaaniissapput, taakkulu minnerupput, kipparissuussapput ammasutut assigiimmillu qalipaateqartinneqarlutik sanaajupput. Blokkinulli marlunnut saniani inissisimasussanut attuumassuteqarmata inissiaqarfik ataqatigiittutut nanginneqartutut issaaq.

Quleriit tamarmik sisamanik inissiaqarput - teqeqqut tamarmik ataatsimik inissiaqarlutik, taavalu qaliani inissiat marluupput, quitaqartut. Taamatut aqqissuussaana Ukkusissallu qanittuani inissisimanissaat pillugu, qaamasarneri isikkiviillu assigiinngitsuussapput. Inissiat avammut alanngortaaniissapput aamma biilit unittarfiisa, suliffissuaqarfiit kiisalu Ukkusissat tungaannut isikkiveqassapput. Inissiat kujammut sammisut ulluunerani qaamasumiittassapput immallu tungaanut isikkiveqarlutik.

Inunnut sukisaarsarfinnullu tunngasut

Pilersaarummi silami uninngaartarfimmik sukisaarsaartarfinnik pinnguartarfilinnik, oqquiffiusinnaasunik, grillisararfinnik kiisalu nerrivinnik issiavinnillu takisuunik pilersitsisoqassaaq.

Pinngortitap assigiinngiiaartuunera aamma silap pissusaanut naleqqussaaneq

Pilersaarummi illut akornanni nuna naasullu pioreersut attatiinnarnissaat anguniarneqassaaq. Taamaattorli biilit unittarfiinut aqqusinermullu nunniortoqassaaq.

Inerniliineq

Ataatsimut isigalugu immikkoortoq inissianik eqititeriffiussasoq ingerlatsivimmit nalilerneqarpoq. Naak pilersaarut immikkoortuni assigiinngitsuni appasissumik nalilerneqaraluartoq blokkinut marlunnut sanianiittussanut ataqatigiilluartussaapput, taakkulu naleqquttumik inissiaqarfik 4A6-imik nanginneqartussatut isikkoqarpoq. Taamaattorli pilersaarut akuerineqassappat pilersaarummut siunnersuummut ingerlatsivik pingaaruteqarluinnartunik ilanngunneqartariaqartunik oqaaseqaatissaqarput.

Ingerlatsiviup oqaaseqaatai:

- Silami uninngaartarfissat immikkoortumut pingaaruteqarluinnartussaapput, taamaattumillu pingaartinneqarluinnartussaallutik
- Silami uninngaartarfiit nunamut ataqatigiilluinnarnissaat nunallu sapinngisamik mianerineqarnissaa, taamalu illut pinngortitamut qanilluartaunerisa attanneqarnissaat pingaaruteqarpoq
- Silami uninngaartarfimmi sukisaarsaartarfik immikkoortumut pitsaasumik sunniuteqassappat, blokkinu taakkunani sisamani najugaqartunut orniginarsarneqartariaqarpoq
- Inissianit blokkinut sanimut sammisuniit marlunnit nunamut aqqutip tikikkuminartuunissaa qulakkeerneqassaaq, taamaaliornikkut taakanngaaniit illut kujataatungaanut silami uninngaartarfik pisulluni ornikkuminarniassammat



- Inuusuttuniit utoqqarnut tassaniissinnaassapput atorluarlugulu. Ataatsimoorfiusinnaasormi amigaataavoq

Siuliini taaneqartut tunngavigalugit pilersaarummut qinnuteqaat Pinguaraq, inissiat 60-t, akuersissutigineqassasoq ingerlatsiviup innersuussutigaa.

Ingerlatsivimmit aningaasatigut sulisoqarnikkullu naliliinerit

Ingerlatsivimmit erseqqissaatigineqarpoq, pilersaarummik piginnittup kommunimut pilersaarummut tapiliussap suliarinissaanut aammalu ilaatigut VVM-imik misissuineq kiisalu atortunut, sanaartorfissagissaanermut sanaartormermilu aningaasartuutissat tamaasa nammineq akilissagai.

Suliffeqarfimmut Kiffartuussivimmit aningaasatigut naliliineq

Oqaaseqaateqartitsisoqanngilaq.

Inatsisitigut tunngavissaq allakkallu tunngaviumik uppernarsaatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissat nr. 17, 17. november 2010-imeersoq
- Inatsisartut inatsisat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Pilersaarummut qinnuteqaat Pinguaraq, inissiat 60-t
4. Pilersaarummik piginnittup allagartai
5. Aningaasaqarneq pillugu nassuiaat
6. Naliliinissamut immersuiffissaq
7. Pilersaarutitut qinnuteqaatinik ingerlatsineq
8. Pilersaarutitut qinnuteqaatinik misissuivik
9. Inatsisartut inatsisat nr. 34, 9. december 2015-imeersoq

Punkt 7: Lukket

Punkt 8: Lukket

Punkt 9: Lukket

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15:44.